

**“ТАСДИҚЛАЙМАН”**  
**Давлат харидлари соҳасидаги**  
**шикоятларни кўриб чиқиш бўйича**  
**комиссия раиси**  
**ЭРИ билан тасдиқланган**  
**Атаджанов Муродбек Бекбергенович**

**Давлат харидлари соҳасидаги шикоятларни кўриб чиқиш бўйича комиссия**  
**йиғилишининг**  
**Р00034 Баёни**

Тошкент шаҳри

2023 йил “19” Сентябрь

**Раислик қилди:**

Атаджанов Муродбек Бекбергенович –  
Қўмита бошлиғи ўринбосари

**Қатнашдилар:**

Давлат харидлари соҳасидаги  
шикоятларни кўриб чиқиш бўйича  
комиссия аъзолари

Давлат харидлари соҳасидаги шикоятларни кўриб чиқиш бўйича комиссия  
йиғилишининг кворуми – 75 %

**КУН ТАРТИБИ:**

**Давлат харидлари соҳасидаги шикоятларни кўриб чиқиш бўйича комиссияга Хисоб палатасининг 2023 йил 3 июлдаги хати орқали келиб тушган “World Invest Industry Group” МЧЖнинг 2023 йил 9 июндаги 27/06/2023 сонли мурожаатида келтирилган масалаларнинг навбатдаги муҳокамаси.**

---

Мазкур масала 2023 йил 13 июлдаги Комиссия йиғилишида кўриб чиқилган бўлиб, унда ушбу шикоят юзасидан якуний қарор қабул қилиш комиссиянинг навбатдаги йиғилишига қолдирилган.

Ушбу мурожаатда Ўзбекистон Республикаси Мудофаа вазирлиги Таъминот бошқармаси ва Марказий моддий-техник таъминот базаси (кейинги ўринларда - Буюртмачи) томонидан 9175109, 9175110, 9174910 лот рақамлари билан ўтказилган давлат харидлари жараёнида:

буюртмачи томонидан давлат харидларини амалга оширишда баҳолаш мезонлари бузилганлиги, рақобат ва холислик тамойилларига амал қилинмаганлиги;  
ушбу давлат харидларида манфаатлар тўқнашинувига йўл қўйилганлиги;

танлов ҳужжатларида ноҳалол, рақобатни чекловчи, иштирокчиларнинг ҳуқуқлари ва қонуний манфаатларини бузган ҳолда талаблар қўйилганлиги;

буюртмачи билан алоқаси бўлмаган қолган иштирокчиларга танловда қатнашиш учун имконсиз талаблар қўйилганлиги ва бошқа вазлар маълум қилинган.

Мурожаатчининг шикояти юзасидан Комиссия ишчи органига Ўзбекистон Республикаси Мудофаа вазирлигининг 2023 йил 24 июндаги 22/1617-сонли жавоб хати келиб тушган.

Мазкур жавоб хатида қуйидагилар маълум қилинган:

ушбу шикоят Мудофаа вазирлиги мутахассислари томонидан атрофлича ўрганиб чиқилганлиги;

буюртмачи томонидан киритилган талаблар тадбиркорлик субъектлари томонидан берилган таклифларни адолатли ва ҳолисона баҳолашга хизмат қилганлиги;

мурожаатчи билан тузилган аввалги шартномалар бўйича мурожаатчи ўз мажбуриятларини бажармасдан келаётганлиги натижасида Мудофаа вазирлиги олдида қўйилган жанговар вазифаларни сифатли ва самарали бажаришга таъсир этаётганлиги;

буюртмачи томонидан харид савдолари очиқлик ва шаффофликни таъминланган ҳолда ўтказилганлиги ва бошқа важлар маълум қилинган.

Йиғилиш давомида Комиссия аъзоларининг билдирилган фикр ва мулоҳазалари тўлиқ тингланди.

**Кун тартибидаги масалаларни кўриб чиқиб, Комиссия раиси қарор қилади:**

Давлат буюртмачисига мурожаатда қайд этилган иштирокчиларининг таклифларини кўриб чиқишда энг мақбул таклиф фойдасига якуний қарор қабул қилишда рақобат ва ҳолислик принципларига амал қилиши лозимлиги тушунтирилсин.

Шу билан бирга, Ўзбекистон Республикаси “Давлат харидлари тўғрисида”ги Қонунининг 81-моддасига мувофиқ, давлат харидлари тўғрисидаги қонунчиликни бузганликда айбдор шахслар белгиланган тартибда жавобгар бўлиши билдирилсин. Мурожаатчига давлат буюртмачисининг ҳаракатлари (ҳаракатсизлиги) устидан суд тартибида шикоят қилиш ҳуқуқи маълум қилинсин.

**Комиссия аъзолари:**

Алиев Тофиг Али угли	ЭРИ билан тасдиқланган
Жўраев Абдулло Насрулла ўғли	ЭРИ билан тасдиқланган
Бўранов Шухратжон Арзимурастович	ЭРИ билан тасдиқланган
Номозов Жамшид Гиёс ўғли	ЭРИ билан тасдиқланган
Ubaydullayev Avaz Baxtiyarullayevich	ЭРИ билан тасдиқланган
Аллаберганов Бобирбек Адилбекович	ЭРИ билан тасдиқланган
Маманазаров Султонбек Шодикулович	ЭРИ билан тасдиқланган
Махкамов Рустам Хусниддинович	ЭРИ билан тасдиқланган